



ज्वजलपा बाह्यो

JWOJALAPA NEPALBHASA WEEKLY

दै: ६ ल्या: ८ पूर्णाङ्क: ६०

ने. सं. ११३५ गुलागा कृष्णष्टमि आइतवा:

२०७२ भाद्र २० गते आइतवार (Sep-6, 2015)

मू: ५/- (

किपू न.पा. व फेक्ट-नेपाल दथुई सम्भौता

अस्पताल संचालनया निति मा:गु जनशक्ति स्थानीय स्थायीवासीयात उच्च प्राथमिकता बिया कोटा निर्धारण याइगु

२०५१साल पौष ६ गते तत्कालिन लाय्कू गा.वि.सं अस्पताल दयेकेत धका: जन सरोकार ट्रष्ट (फेक्ट-नेपाल) यात ५२ रोपनी जग्गा ब्यूगु ख: । तर इलय् किपूली अस्पताल मदयेकूसे यें काठमाडौं मोडल अस्पताल पलिस्था यात ।

थुकि याना: किपूमितय् नुगालय् च्यास्स मिन फेक्ट नेपालं किपूया जग्गा कायेत जक हेकूगुला धैगु शंका यात । गुकिं याना: फेक्ट नेपाल संचालकत व किपूमितय् दथुइ बरोवर कचवं पिदन । किपूमितय् धापु ख: किपूया जग्गाय् दयेकीगु अस्पतालय् किपूमितय्गु नं छुं हक अधिकार दयेमा: ।

किपूया जग्गाय् छुं दै न्ह्य:निसें कीर्तिपुर अस्पताल चायेका: सुत्केरी सेवा नं बिया वयाच्वंगु दु । आ: उगु अस्पतालयात पुष्पलाल टिचिङ अस्पतालया रुपय् हिलेगु कुत: जुयाच्वंगु दु ।

त:दै न्ह्य:निसें या कीर्तिपुर अस्पतालय् किपूमितय्गु नं हक अधिकार दयेमा धका: हाल वयाच्वं थें हे

आखिर किपूमित अधिकार कायेगु खँय सफल जुल ।

थ्वहे सन्दर्भय वंगु भदौ १४ गते सोमबा: किपूया राजनैतिक दलतय् सक्रियताय् फेक्ट नेपाल व किपू नगरपालिकाया दथुइ छगू सम्भौता जूगु ख: ।

उगु सम्भौताय् किपू नगर पालिका पाखें कार्यकारी प्रमुख नूरहरि खतिवडा व फेक्ट-नेपालया संस्थापक नाय: डा. भरत कुमार प्रधान अले रोहवरय् किपूया राजकुमार नकर्मि, रमेश महर्जन, शम्भुराम महर्जन व हरिकुमार महर्जन, अथेहे अस्पतालपाखें सुमन श्रेष्ठ, डा. रोशनलाल श्रेष्ठ व डा.शंकरमान राई नं ल्हाचिं तयादीगु ख: ।

उगु सम्भौता कथं, १). **अस्पताल व्यवस्थापन समिति सम्बन्धय्** : कीर्तिपुर अस्पताल संचालन यायेत छगू व्यवस्थापन समिति दयेकेगु जुइ ।

उगु समितिइ किपू नगर पालिका, किपूया राजनैतिक, सामाजिक, बौद्धिक क्षेत्रय् विशेष योगदान दुपिं नागरिकपिं पाखें



प्रतिनिधित्व जुइगु कथं किपू नगरपालिकां मनोनितयापिं प्रतिनिधीपिं, फेक्ट नेपालया प्रतिनिधी दुगु १३ म्हसिया व्यवस्थापन समिति गठन जुइ । गुगु समितिया अध्यक्ष किपू नगर पालिकाया प्रमुख, उपाध्यक्ष जनस्वास्थ्य सरोकार ट्रष्ट (फेक्ट-नेपाल)या प्रतिनिधि, सदस्य सचिव कीर्तिपुर अस्पताल निर्देशक जुइ ।

अथे हे सदस्यपिं किपू नगर पालिकाया सिफारिसय् किपूया स्थानीय सामुदायिक प्रतिनिधित्व जुइगु कथं ५ म्ह ।

उगु ५ म्ह प्रतिनिधी मध्ये १ म्ह किपू नगरपालिका वडा

नं.२ या वडा अध्यक्ष वा वडा नं.२ या हे स्थानीय निवासी जुइ । अथेहे जन सरोकार ट्रष्टपाखें प्रतिनिधित्व ५ याना:मुक्कं १३ म्हसिया व्यवस्थापन समिति जुइ ।

चवय् न्ह्यथनात:कथं व्यवस्थापन समिति नीस्वने धुंका: उगु समिति अस्पताल संचालन, व्यवस्थापन व उत्थानया निति मा:गु नीति, नियम, योजना, कार्यक्रम व बजेट तर्जुमा याना: अनुमोदन यायेत मा:गु निर्णय याइ ।

अस्पताल व्यवस्थापन

सम्बन्धी मूल अवधारणा : थुगु सम्भौता कथं २०७१ मंसिर १० गते फेक्ट नेपाल व त्रिभुवन विश्वविद्यालय दथुइ जूगु सम्भौताय् कीर्तिपुर अस्पताल नाप स्वापू दुगु बुंदाया हकय् थुगु समिति या:गु सरह मान्य जुइ नाप उगु सम्भौताया बांलाक ज्या न्ह्याकेत मा:गु कार्य योजनाया गृह कार्य यायेगु दायित्व पूर्वकी ।

व्यवस्थापन समितिया दायित्व:

क) अस्पताल संचालन सम्बन्धी व्यवस्थापन यायेगु, ख) अस्पताल संचालन यायेत मा:गु दिर्घकालिन व अल्पकालिन नीति तथा योजना दयेकेगु, ग) अस्पताल व्यवस्थापन व पूर्वाधार दयेकेगु व संचालनयात मा:गु आर्थिक तथा भौतिक साधन व स्रोत दयेकेत मा:गु भूमिका म्हितेगु, घ) अस्पतालया बजेट पास यायेगु, ङ) अस्पतालया सेवा शुल्क अनुमोदन यायेगु, ।

च) अस्पताल संचालन यायेत मा:गु जनशक्ति पदपूर्ति सम्बन्धी से वा शर्त पारित यायेगु ।, छ) अस्पतालया भौतिक संपत्ति संरक्षण व सम्बर्द्धन यायेगु ।, ज) चवय्या ज्याखंत पूर्वकेगु निति मा:गु मेगु ज्यात यायेगु ।, झ) बुंदा (च) य् न्ह्यथना त:गु कथं सेवा शर्त अनुमोदन सम्बन्धय् किपूया स्थानीय स्थायी वासिन्दाया निति उच्च प्राथमिकता साथ कोटा निर्धारण यायेगु व्यवस्था याइ । अर्धदक्ष वा अदक्ष जनशक्तिया हकय् (Out sourcing) व्यवस्था यायेगु । थुगु सम्भौता अक्षरस: पालना जुलधा:सा किपूमितय्गु निति छुं छुं फाईदा जुइ ।

मखुसा थ्व नं सम्भौताय् हे सिमित जुइगु ख:ला धइगु नं आशंका मदुगु मखु । थुगु सम्भौतयात कया किपूमितय्गु निति गज्व:गु कथं फेक्ट नेपाल व नगरपालिकां ज्या याना वनीगु ख: धका: चासो तयाच्वंगु दु ।

सुचना

यस कीर्तिपुर बहुउद्देश्यीय सहकारी संस्था लि.द्वारा स्थापना र सञ्चालन गर्न लागेको “कीर्तिपुर सहकारी खानेपानी उद्योग”को कारखाना र एबिलतीवथयगत को डिजाइन तथा इष्टिमेट गराउनु पर्ने भएकोले इच्छुक दर्तावाल कन्सल्टेन्सीले यस संस्थामा मिति २०७२ भाद्र ३१ गतेभित्र सम्पर्क राख्नु हुन अनुरोध गरिन्छ ।

कीर्तिपुर बहुउद्देश्यीय सहकारी संस्था लि.

की. न. पा-१७, नयाँबजार ४(३३०६०९/३३५५५१
kmcl.kirtipur2056@gmail.com



घर/ फल्याट भाडामा



का.जि. कीर्तिपुर न.पा वडा नं १७, नयाँबजार बाहिरीगाउँ स्थित यस कीर्तिपुर बहुउद्देश्यीय सहकारीको कार्यालय रहेको ६ तल्ले भवनको पाचौं तथा छैठौं तल्लाको फल्याट (प्रति तल्ला करीव ३२०० स्क्वायर फीट) भाडामा लिन इच्छुक व्यक्ति वा संघ(संस्थाले २०७२/०६/२५ गतेभित्र कार्यालय समयमा सम्पर्क गरी लिखित रूपमा पेश गर्नुहुन अनुरोध गरिन्छ । भाडा दर आपसी सहमतिमा तय गरिनेछ ।

कीर्तिपुर बहुउद्देश्यीय सहकारी संस्था लि.

की. न. पा-१७, नयाँबजार ४(३३०६०९/३३५५५१
kmcl.kirtipur2056@gmail.com



ज्वजलपा वा:पौ

सल्लाहकार
श्रीकृष्ण महर्जन
प्रकाशक:

नजरराम महर्जन
सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यैं

ज्याकू: निखासी त्वा: किपू नपा-३

फोन ल्या: ४३३३००७, ९८४९७६८९४३

ई-मेल : jwojalapa@live.com

पहिचान व जातीय राज्य

नेवा: स्वायत्त राज्य मंका: संघर्ष समितिं पिथंगु सफूचापाखें

न्त्यखँ

संघीय लोकतान्त्रिक गणतन्त्र नेपा: कथं राज्य पुन:संरचना यायेत न्हूगु संविधान दयेकेगु संविधान सभाया छगूया छगू जक भाला खः। न्हापाया संविधान सभायापाखें थुगु भाला पूर्वके मफुत, मफयेवं निक्वःगु संविधान सभा नीस्वनेगु ज्या जूगु खत।

संविधान सभाया पाखें न्हूगु संविधान दयेकेगु भवलय संविधान सभायापाखें न्हूगु संविधानया अन्तरवस्तुयात कया: आपालं ज्या क्वचायेके धुंकूसां राज्य पुन:संरचनाया सम्बन्धय धा:सा अझं थये हे धका: क्वछीफयाच्चंगु मदुनि। संविधान सभादुने प्रतिनिधित्व यानाच्चंगु राजनीतिक दलतयपाखें राज्यपुन:संरचनाया सम्बन्धय त:गु कथंया प्रस्ताव न्ह्य:ने हयाच्चंगु व उकियात कया: सहमति जुइमफया थुकथं फुक्क ज्या अथें थानाच्चन।

सिद्धान्ततः भूगु नेपा: देय्या सन्दर्भय सलंस: दँ न्ह्यवनिसें वर्गीय, क्षेत्रीय, जातीय, भाषिक, सांस्कृतिक, सामाजिक व लैङ्गिक उत्पीडनया अन्त्यया निति म्हिग:या एकात्मक केन्द्रीकृत सामन्ती राजतन्त्रयात चीका अग्रगामी राज्य पुन:संरचनाया आवश्यकता तायेकूगु खः।

थ्वहे आजू पूर्वकेगु तातुना: थीथी इलय थीथी पुचलं लोकतान्त्रिक आन्दोलन, जनयुद्ध, मधेश आन्दोलन, आदिवासी जनजाति संघर्षयात न्ह्याकूगु खः। अले थुज्व:गु शान्तिपूर्ण आन्दोलन व जनयुद्धयापाखें स्थापित याये धुंकूगु संघीयता, लोकतान्त्रिक गणतन्त्र, धर्मनिरपेक्षता अले समानुपातिक समावेशीय प्रतिनिधित्वयात संस्थागत यायेत न्हूगु संविधान दयेकेमा:गु खः।

तर, संविधान सभायापाखें संविधान दयेकेगु भवलय आ: वया: राज्य पुन:संरचनाया खँयात कया: सहमति ब्वलने मफुत। थुकियाना: सकतां खँ पनाच्चन, दिनाच्चन।

अथेला राज्य पुन:संरचनाया ज्या अ:पुइमा धका: छुकिया लिधँसाय् संघीय राज्यत दयेकेगु धैगु न्हापांगु संविधान सभाया राज्य पुन:संरचना व राज्यशक्ति बाँडफाँड समितियापाखें छगू

सर्वसम्मत सिद्धान्त दयेकूगु खः। पहिचानयात मूलिधँसा व सामर्थ्ययात तंसा लिधँसा दयेकेमा: धका: सिद्धान्ततः सहमति या:गु खः। भाषा, जातिय समुदाय, संस्कृति, ऐतिहासिकता, भौगोलिक निरन्तरताया पहिचानया न्याता लिधँसा धका: त्या:जिक धा:गु खः। अथेहे प्राकृतिक स्रोत साधन, प्रशासनिक सहजता, आधारभूत संरचना आदियात सामर्थ्यया तंसा कथं प्रस्तावित जूगु खः। अथे हे दलीय सहमति कथं नेपाल सरकारपाखें नीस्वंगु राज्य पुन:संरचना उच्चस्तरीय संवैधानिक सुझाव आयोगपाखें नं थुकथं हे पहिचानया न्याता लिधँसाय् राज्य पुन:संरचना जुइमा: धका: व: ब्यूगु खः। उलि जक मखु समितिपाखें थुगु हे सिद्धान्तया व: कया: भिन्प्यंगु अले आयोगपाखें भिगू राज्य नामाङ्कन व सीमाङ्कन सहित प्रस्ताव न्ह्यव्व:गु खः।

अजूचायापुगु खँ, थुकथं राज्य पुन:संरचनाया ज्या पहिचानया न्याता लिधँसाय् यायेगु धका: सर्वसम्मत क्व:छयूगु सिद्धान्तयात कया: लिपा वया: छथ्व: राजनीतिक दलतयपाखें मखुगु कथं ग्यानापुक भ्रम ब्वलंकेगु ज्या जुल। पहिचानया न्याता लिधँसाय् राज्य पुन:संरचन यायेगु खँयात “जातीय राज्य दयेकेत स्वल” धैगु कथं गलत व्याख्या यायेगु जुल। दु:खया खँ, राजनीतिक दलतयसं राज्य पुन:संरचनाया सम्बन्धय यानाच्चंगु थुकथंया सुनियोजित दुष्प्रयासयात गुलिखे नेपा:या राष्ट्रिय संचार माध्यमतयपाखे नं ग्वाकेगु व तिव: बिगु ज्या जूबले सर्वसाधारणतय नुगलय “जातीय राज्य दयेकेत स्वल” धैगु भ्रम अझ तच्चल। संघीयता, राज्य पुन:संरचना व जातीय राज्यया सम्बन्धय आम मन्तय दथ्वी उकथंया भ्रम आ: नं अथे हे दनि। थुके छगू कथं संघीयता, राज्य पुन:संरचनायात कया: नकारात्मक भाव ब्वलंकेगु ज्या नं यानाच्चंगु दु।

जातीय राज्य व भ्रम

मखुगु खँ नं लिसा लिसा कया: न्ह्यथनाच्चन धा:सा मन्तय नुगलय सत्य हे ख:ला धका: भ्रम ब्वलंकेफु।

राज्य पुन:संरचना अले जातीय राज्यया सम्बन्धय नं भूगु देसय् आ: थथे हे जुयाच्चंगु खः।

दकले न्हापां, नेपालय सुना नं जतीय राज्य दयेकेमा: धका: माग यानाच्चंगु हे मदु। नापनापं संविधान सभाया समिति व आयोगपाखें प्रस्तावित यानात:गु १४/१० गू राज्यया संरचनात नं गुगु कथं जातिय राज्यया ल्याखं मखु। वास्तवय जातीय राज्य धैगुया अर्थ खः, उज्व:गु राज्य गन छगू हे जाति, भाषा, संस्कृतिया मन्तय जक दइ, अले अनया शासन, प्रशासन सकतां छगू हे जातीय ल्हातय जुइ। म्हिग:या नाजीतयसं जर्मनी लगायत विश्व न्यंक निर्माण यायेत स्व:गु राज्यया स्वरूप जातीय कथं खः। अथे हे थौकन्हय मुख्यत:अफ्रिकी व मध्यपूर्वी देसय् आतंक ब्वलंकाच्चंगु इस्लामिक स्टेटया परिकल्पन नं धाथेया जातीय राज्य खः। छगू हे जाति, छगू हे जक धर्म वा छगू हे जक संस्कृतिया मन्तयत जक राज्ययापाखें अधिकार उपभोग याकेबिसं मेमेगु जाति समुदायया मन्तयत निगूगु दर्जाया नागरिक कथं अधिकारपाखें वञ्चित यायेगु अलोकतान्त्रिक प्रणाली हे जातीय राज्यया स्वरूप खः। थुकथंया एकल जातीय अधिनायकत्वया राज्यया पक्षय नेपालय आ:तक सुनां नं स: तयाच्चंगु हे मदु। अले,, थुकथंया राज्य थौया नेपालय संभव नं मखु। उकिं जातिया राज्यया खँ मुक्कं भ्रम व असत्य आरोप बाहेक मेता छुं हे मखु।

मेता खँ भूगु देसयदुने गुकथं सामाजिक संरचनाया विकास जुया वनाच्चंगु दु उगु ल्याखं आ: प्रस्तावित गुगु नं राज्य गुगु नं छगू जक जातिया, भाषा, संस्कृतिया मन्तयगु एक:ति वा बहुमतया स्थिति मदु। फुक्क धैथें राज्यदुनेया सामाजिक अवस्था धैगु जातिय विविधता व बहुलता खः। उकिं यथार्थ छु छु धा:सा आ: न्ह्यागु हे नामं राज्य निर्वाण जूसां उज्व:गु राज्यया सामाजिक संरचना बहुल जातीय हे जुइगु ख:, गुगु नं कथं एकल जातिय वा जातिय राज्य जुइगु कथं मखु।

प्रकाशकिय

जिपिं हानं पिलूवया

नेवा:तयगु आदिभूमि, ऐतिहासिक व पुरातात्विक जा:गु देय् किपुली थासं मांभाय नेपालभाषाया वा:पौ कथं ने.सं. १९२८ कौलागा पारुनिसे पिदना वयाच्चंगु नेपालभाषाया वा:पौ ज्वजलपा दत्या:तक पिदना प्राविधिक हुनिं बन्द जूवन। अनं लिपा न्हूगु ज्वजलपाया नामं मेगु वा:पौ पिदने। उगु वा:पौ नं दच्छितक पिदना: दिना:वन।

जिमिसं कीर्तिपुर सन्देश पिकयाबलय हरेक आइतवा: पतिकं नेपालभाषाया न्हूगु ज्वजलपा वा: पौ पिदनाच्चंगुलिं किपुली नेपालभाषाया निगू वा:पौ चलय जुइफइमखु धका: कीर्तिपुर सन्देश साप्ताहिक पिथनागु खः। कीर्तिपुर सन्देश साप्ताहिक पिदंगु नं खुदै दत।

न्हूगु ज्वजलपा पिदनेगु दिसानिसे छाय् दिकागु, माक्व ग्वाहालि बिइ। भी नेवा:तयगु आदिभूमि नेपालभाषाया छगू हे पत्रिका मदु उकिं दिकेमते धका: यक्व हे इनाप याना। तर प्रकाशकया लिमला:गु हुनिं हानं पिथने मफुत। थ्वहे भवलय यक्वसे जिमित नेपालभाषाया वा:पौ पिथने माल धका: इनाप यानादिल। ज्वजलपा वा:पौ बुधवार पिहौवइगु कथं दर्ता याना तयागु, कीर्तिपुर सन्देश साप्ताहिक नं बुधवार हे पिथना वयाच्चनागु जुगुलिं छन्हू हे निगू वा:पौ पिथने ज्यामछिन। यक्वकोसिया इनाप कथं ज्वजलपा पिथनेगु दिं बुधवारयात हिइका: आइतवा: पिथनेगु याना: सिडिओ अफिसय वना: बार हिइका आइतवा: पिथनेगु यानागु जुल।

नेवा:तयगु अप्व: बस्ति दुगु किपू देय् जूसां थन नेपालभाषाया पौ ब्वनीपिं म्हेजक दु। नेवा: जुया: नं नेपालभाषा ब्वनेमस: धाईपिं यक्व दु। थ्व छगू मखुगु खँ थें तायेका। छाय्धा:सा भाय् जकं नेपालभाषा खः। आख: ला देवनागरी लिपि हे खः। भन थम्हं न्ह्यान्हिं ल्हाना वयाच्चनागु भाय्या पौ ब्वनेबलय भन बांलाक थुइके फइगु खः। न्हापा ज्वजलपा पिकयाबलय नं अथे धा:पिं मदुगु मखु। लिपा ब्वनांवलिसे सकसिनं ययकूगु अनुभव दु। अथे हे आ: नं छिकपिनि पाखे अथे हे मतिना व ग्वाहालि दइगु भलसा कयाच्चना। थुगु वा:पौ मात्र समाचारमुलक जक जुइमखु। थुकी भीगु साहित्य परम्परानिसे त:जिलजिया खँत नं ब्वने दइगु भलसा बिया: च्वना। अले थ्व वा:पौ किपू नगरपालिका दुने जक सिमित मजुसे स्वनिग: न्यंक थ्यनीगु जूगु दु।

नजरराम महर्जन
प्रकाशक

ज्ञानीराजया मुक्तक

● मुक्तक

पिलाकु क्यना ल□य जुइमते मयजु
लं जवा: तयत लुफिं हाकेमते मयजु
पिलाकु मखु नुग: यचुपिचुकेगु स्व
मा□ अबुया इज्जत छवयमते मयजु □

जिं छन्त लुमंका च्वना
छ याक:चा जुल ला धका
म्हंगसय नं खंका च्वना
हाकनं नापलाई ला धका □



चित्त नेवा:या हाइकु

१. ल्वापुं मप्चन
बल्ल थौं नेतातय
बुद्ध लुमन ॥

२. नेता अखण्ड
विभेदी संविधान
जनता खण्ड ॥

३. धैते तज्यात
कुमा:या घ:चाहिल
न्हूगु पिकाल ॥

४. चंखम्ह ध्वँचा
सिंहया:गु सिकरय
ला: ल्हवयाक्यन ॥

साहित्य/हाइकु

५. चिन्ता मुक्त ब्यां
सुनावंगु पुखुस
छतपती न्या ॥

६. भासा न्हनेवं
गन जुई थ्व भीगु
नेवा: प्रदेस ॥

दबूचा बिचा: संघं बिद्यानन्द जोशीया बिचा: हायेकल

किपू नगरपालिका वडा नं ४ या दबूचा बिचा: संघया ग्वसालय जिफागलय छगू ज्याभव:यासं उगु संघया नाय: मदुम्ह बिद्यानन्द जोशीया लुमन्ति बिचा: हायेकल ।

वंगु गुलांथ्व पुन्हि(भाद्र १२ गते) सनिवा: खुन्हु आकाभाकां मत्यवं मदुम्ह बिद्यानन्द जोशीया तस्वीरय मूपाहाँ सभासद राजेन्द्र बहादुर के.सी. स्वांमा क्वखायेका श्रद्धाञ्जली देछाना दिल । विरेन्द्र शाक्यं न्ह्याकूगु उगु ज्याभव: का.वा. नाय: संघरत्न बज्राचार्यया सभा नायोसुइ जूगु ख: । उगु ज्याभवलय श्रद्धाञ्जली बियादीपिं मेपिं पाहाँपिं प्रा.डा.रामकृष्ण महर्जन, प्रा.डा.शिवशरण महर्जन, एमाओवादी शम्भुराम महर्जन, ने.का.या राजकुमार नकर्मि, ने.का.या कृष्णमान डंगोल, पूर्व मेयर ध्रुव महर्जन, पूर्व उपमेयर पन्ना रत्न बज्राचार्य, अधिवक्ता राजु वस्नेत,



बिद्यानन्द जोशीया किजा रामानन्द जोशी, म्प्याय मयजु कीर्ति जोशी व मेमेपिं यक्वसं स्व. बिद्यानन्द जोशीयात श्रद्धाञ्जली देछाना दिल ।

शब्द श्रद्धाञ्जली विइगु भवलय मूपाहाँ राजेन्द्र कुमार के.सीं जिफागलय च्वंगु चौरयात छगू बगैचाया रुपय हिलेत बिद्यानन्द जोशीं वय्क:यात इनाप या:गु कथं बजेट तयागु ख: तर भुखाचं

याना: व बजेट ल्याप्स जुल । थुगु दँय मेगु बजेट हया: थ्व थाययात बांलाका: वय्क:या म्हंगस पूर्वकेगुलि कुत: यायेगु वचं बिचा: बिल ।

प्रा.डा. रामकृष्ण महर्जनं वय्क:या मचानिसंया खँ कनादिसं वय्कलं चिरंजीवि क्लब नीस्वना उवलया ल्याय्महतयत हौसला ब्यूगु नापं वय्क:या समाजसेवाया बारे

कना:दिल । बिद्यानन्द जोशीं नेपालभाषा कया: एम.ए. ब्वपिं मध्ये दकले अप्व: ल्याम्ह ह:म्ह छम्हेसित भिद्र: दां सिरपा: बिया नेपालभाषाया सेवा यानादीगु खँ कनादिल । अथेहे प्रा.डा.शिव शरण महर्जनं वय्कलं मंगल उच्च मा.वि.या विकासया निंति यानादीगु कुत:या बारे न्हयथसं मंगलया बास्केटबल कोर्ट दयेकात:गु थाय् न्हापाया प्रधानपंचं छम्ह

व्यक्तिया नामय् बिया तयेधुंकूसां बिद्यानन्द जोशीं मंगल स्कूलया नामय् पास यानादीगु खँ कनादिल ।

पन्नारत्न बज्राचार्य बिद्यानन्द जोशी स्वया क्वकालि जूसां पासाथें न्ह्याबलें नापं वनेगु खँ कसं मंगल स्कूल दयेकवल्य ठलान यायेत ल: मदया: बाघभैरवनिसें ल: हया: ठलान यानागु खँ कनादिल ।

अथे हे सकसिनं वय्क: नं याना थकूगु ज्या न्हयथना दिसं थौकन्हे शहीद स्मारक कलेज दुगु नीखासी पुखु न्हापां किपू थानायात विइगु क्वछिना तयेधुंकूगु तर बिद्यानन्द जोशी प्रधानपंच जुवल्य व पुखुयात पुखु यानाबिल । गुकिं याना: थौं किपूमितसं कलेज चायेका आख: व्वंके खंगु, आ: नगरपालिकां छेंय दंगु थाय्यात कांजीहाउस धका: दयेका: व थाय्या सुरक्षा या:गु थें जा:गु वय्कलं याना थकूगु यक्व ज्यात लुमंकेगु जुल ।

किपुली गणेद्य:या जात्रा क्वचाल

नेवा:तय्गु सांस्कृतिक व परम्परागत नख: चख: मध्य गुंपुन्हि नं ख: । गुन्हु पुन्हि खुन्हु सुथय व्यांचा जानकीसा बहिन दच्छिया दुने मदुपिं थ: छेंज:पिनिगु लुमन्ति चीभा: पतिकं मतबिया: हनि । गुकियात बा:चाहू वनेगु धाइ । कन्हय् खुन्हु सापारु जुइ । थ्व नं थ: मदुपिं छेंज:पिनि सद्गतिता कामना याना: याइगु ख: ।

गुलागा दुतिया अर्थात सापारुया कन्हय्खुन्हु किपू, पाँगा लागाय् गणेद्य:या जात्रा यायेगु चलन दु ।

थुगुसी पाँगाय् त:भुखाय्या हुनि उलि बांलाक भ: भ: मधा: । तर किपुली न्हापालिपा थें हे गणेद्य:यात खतय् तया: जात्रा त:जिक न्यायेकल । नेवा: म्हासिकाया वस: पुना: मेमेगु जात्राय्थें द:ख: न्हय: सुकुन्दा

ज्वना मत बिया व:पिं मिसापिं दु अथे हे थीथी बाजंत नं थाना व:पिं दु ।

किपुली हरेक जात्रा पर्व त्वा:त्वालं पा:कया न्यायेकीगु भवलय थुगुसी थांवहा: त्वालं ग्वसा ग्वया ह:गु ख: । थुगुसी किपुली गथु प्याखँ स्यनाच्वंगु दु । उकिं किपू लागाय्च्वपि लाखेतय्सं नक्कली खा:पा पुया: प्याखँ हुइगु यानाच्वंगु दु ।



बाखं च्वमि मोतिलक्ष्मी शाक्यया जिं खना थें लगं त्वा: व लगंत्वा:या ल्हासानेवा: अथे हे विपिन कपाली चिकमुया सिंहल सार्थवाह व थंबही सफू वंगु शुक्रवा: छगू ज्याभव:या दथुइ पितव्वजय जूगु ख: । कुत: पिकाकपाखें पिथंगु उगु सफू पितव्वज्या यँया सफू कुथिय जूगु ख: ।

वडा नं.४ य् निशुल्क स्वास्थ्य शिविर



किपू नगरपालिका वडा नं.४ मान:त्वालय् वंगु भाद्र १२ गतेनिसं कृष्णष्टमी तक निशुल्क ब्लड प्रेसर व मधुमेह जाँच यायेगु निशुल्क स्वास्थ्य शिविर च्वंगु दु ।

नविन कोषया दुज: रामशरण महर्जनया संयोजकत्वय् ज्याभव: न्ह्याकुगु ख: । भुखाय्पाखें अप्व:सिया ब्लड प्रेसर गहाँ क्वहाँ जुयाच्वंगु यात ध्यानय् तया ज्याभव: न्ह्याकुगु ख: । थुगु ज्याभव: डा. सुवास महर्जनया नेतृत्वय नर्सपिं रक्षा महर्जन,ललीता महर्जन व फिजियोथेरापिस्ट रुपक दुलाल सुसेन महर्जनपिनिगु व ज्ञानवहादुर महर्जनया सकृयताय् जूगु ख: ।

अथे हे किपू नगरपालिका वडा नं.४ या सामुदायिक भवनय् भाद्र १९ गते सनिवा: न्हितसिया १ ता: इलनिसं ५ ता: ईतक निशुल्क स्वास्थ्य शिविर जुल ।

ल्वहँ देग: वडा नं ४या नविन पुस्तकालय, नेपालमण्डल राहत अभियान व अरनिको समाजया मंका: ग्वसालय् जूगु उगु स्वास्थ्य शिविरय् न्यूरो डा. सर्वोत्तम श्रेष्ठ, डाइबिटिज डा. माणिकरत्न बज्राचार्य, जर्नल फिजिसियन डा. कृष्ण प्रसाद महर्जन व डा. सुनिल प्रजापति भायादीगु ख: । मुक्कं १२५ म्हसं निशुल्क स्वास्थ्य परिक्षण याकादीगु ख: । उपिंमध्ये अप्व:सिया पुलि व जँ स्या:पिं अप्व: दुगु खँ ज्ञानवहादुर नेवा:नं कना:दिल ।

बिचा: हायेका

जन्म: २००६ असार

निधन:

२०७२ भाद्र १२ गते



स्व. बिद्यानन्द जोशी



थुगु सहकारी संस्थाया शेयर सदस्य भाजु बिद्यानन्द जोशी वंगु भदौ १२ गते आकाभाकां मत्यवं मदुगुलिं जिपिं मर्माहत जुया । मदुम्हेसिया सुखावति भुवनय् बास लायेमा धका: कामना यासं दु:खंक:पिं सकल छेंज:पिन्सं मनचिइ फयेमा धका: बिचा: हायेका च्वना ।

कीर्तिपुर बहुउद्देशिय सहकारी संस्था लि
बाहिरि गांव, कीर्तिपुर-१७

संक्रा चजाटय् खुँतसें दुःख छिल, प्रहरी हैथान



बंगु वालय् संक्व साँखुया थीथी थासय् खुँतसें खुयायंकूगु खबर वःगु दु । नेवाःतय्गु ऐतिहासिक नापं सांस्कृतिक रुपं महत्वपूर्णगु नेवाः वस्ती सक्वय् खुँतय्सं दुःख बिया च्वंगु खः । थुकिं याना महानगरीय प्रहरी प्रभाग, संक्वया सुरक्षाकःमिपिं हायलकायल जुयाच्वंगु दु ।

बंगु भाद्र १० गते चान्हय् साँखु साल्वा त्वाःया विनोद श्रेष्ठया पसः तछ्यानाः सूर्य चुरस १५ पेटी नापं प्यंगू वाकस चुरस खुया यंकूगु खः । उगु खुया यंकूगुलि थ्यंमथ्यं छगू लखया नोक्सान जूगु पसः थुवाः विनोद श्रेष्ठ दावी याःगु दु ।

अथेहे, वहे चान्हय् संक्व धुँला त्वाःया हाकुज रेष्टुरापाखें ३२ इञ्चया एलइडी टिभी नापं छगः बोटल भोडका खुया यंकूगु खः । उगु खुया यंकूगुलि थ्यंमथ्यं ४०,०००/- तकाया क्षति जूगु खँ हाकुज रेष्टुरेन्ट धाःगु दु ।

थ्वहे भवलय् उगु हे चान्हय् साल्वा त्वाःया योगेन्द्र बसीया पसःया ताःफवः स्यंकाः थकूगु खः तर उगु पसलं छुं नं सामानत खुया धाःसा मयंकू । थ्व धुंकाः बंगु सोमवाः चान्हय् प्रहरी प्रभाग ५० मिटर जक तापाःगु शंखरापुर नगर पालिकां ताःफवः स्यंकाः निगू थान कम्प्युटर सेट खुया यंकूगु खः । अथेहे, बंगु विहिवाः चान्हय् साँखु बजाःसिवें भच्चा न्ह्यःने लाःगु साँखु इलाका स्वास्थ्य ज्याकुथि लिक्क च्वंगु प्रकाश स्याङ्बो (आशा) या छैय् च्वंगु रेष्टुराया टिभी व थीथी सामानत खुया यंकूगु खः । थयेहे, प्रहरी पुचलं चच्छि थीथी थासय् खुँत मालेगु ज्या याःसां नं खुँत ज्वने मफुत । थुकिं याना महानगर ीय प्रहरी प्रभागया सुरक्षाकःमिपिं हायलकायल जुयाच्वंगु दु ।

सर्वसाधारणया गुनासो व च्वय्या निकायया खप्की नयेमाः बलय् सुरक्षाकःमिपिं हैरान जूगु खः ।

प्रहरी पुचलं चच्छि थीथी थासय् खुँत मालेगु ज्या याःसां नं खुँत ज्वने मफुत । थुकिं याना महानगरीय प्रहरी प्रभागया सुरक्षाकःमिपिं हायलकायल जुयाच्वंगु दु ।

प्रहरीतसें धाःसा साँखु बजार व जःखःया इलाकाय् बहनी ८ ता ईनिसें सुथय् ३-४ ता ईतक मद्दिक्क चोक चोकय् ड्यूटी यायेगु नापं गाडिपाखें गस्ती तकं यायेगु याना वयाच्वंगु दु ।

महानगरीय प्रहरी प्रभाग साँखुया प्रहरी सहायक निरीक्षक हरि खड्कां साँखु बजारय् खुँतसें खुइगु ज्या अप्वयाच्वंगु हुनिं बजारय् देनीपिं घर धनीपिन्सं तकं चान्हय् थः दनीबलय् पिने छक्कः मिखा ब्वयेगु बाय् मुसु तयेगु यात धाःसा खुइगु पाखें वचे जुइफइगु सुभाब सर्वसाधारणपिन्त ब्यूगु खः । वय्कलं खुइगु ज्या दिकेत सर्वसाधारण व प्रहरी उलि हे जिम्मेवार जूगु तकं धयादिल ।

थ्वसिवे नं पुलांगु थलबल खुइपिं कवाडी मुंकीपिन्त तकं सर्वसाधारणया हे ग्वाहालिं ज्वनेफूगुलिं प्रहरी सक्रिय जूसां सर्वसाधारणतसें तकं च्यूताः तयेमाःगु वय्कःया धापू खः ।

पांगाय् म्हमस्यूम्ह मनुखं छैय् वया दाया वन



किपू नगरपालिका वडा नं. ९ पांगाय् ध्वाकासी त्वालय् च्वंम्ह पुष्प श्रेष्ठयात म्हमस्यूम्ह वयाः छयों हे तज्याक दाया वन ।

बंगु भदौ १७ गते विहिवाः बहिन ७.१५ बजे वय्कःया मूलखाय् सुनानं खापा धिन । पुष्पया स्वयेबलय् अबुम्ह वःगु जुइ धकाः खापा चायेकः वन । खापा चायेकेवं व मनु स्वारासिरिं छेली दुहाँवल ।

“पुष्प श्रेष्ठ धाःम्ह छ खःला ?” व मनूनं न्यन । खः धायेसातकि हे पुष्पयात प्वां प्वां दाल । अथे थथे हे धायेमलावं आकाभाकां दाःबलय् वं व मनूयात ग्वतुक्क घ्याय्त सन । गुतुके मफु । अले पुष्पं नं ल्हाः वात । तर नर्कितनि ३० दैति दुम्ह ल्याय्म्हया बलय् पुष्पं छु फइ ?

पुष्पयात छयनं हि वयेत दायाखतं व मनु स्वारासिरिं पिच्चावन । पुष्पया छक्काः होसय् मवःम्ह जुयाविल । वया होस वःबलय् व मनु मदय् धुंकल । वं त्वालय् सुयातं छुं धाये मफुत । ग्वाहालि धकाः जक हाःगु जूसा अन चोकय् यक्व मनूत मुनाः च्वनीगु, व मनूयात ज्वने फइला ?

न्ह्यागु जूसां बहनि सुनानं लुखा ध्युं वल धकाः मनु म्हमसिक लुखा चायेके मज्यू धइगु वयात ज्ञान बियावन ।

कविता/चिनाखँ फोटो कपि

नाति महर्जन
द्योचपा, पांगा

नेतात नेपायापिं
गुलि जक छतुपिं
संविधान चोयगु जाल व्हाना
धेवा मुंका चोपिं
भिदै भिन्दादै नं
संविधान चोय मफुपिं
गथे याना देश विकास याना नै
धेवा दौं जक स्वया जुइपिं
इमित वास्ता छुं मदु
देशे न्ह्यागु संकत वसांनं
थुपिं बुद्धि दुपिला ख हे मखु
थजाबले जनता हेके मा धैगुलि नं
लिपा नं चुनाव जुइगु
थुमिके छाया विचार मवगु
कि लिपाया चुनाव दने हे म्वाल
आ हे कमाय याये गागु
हतपतं ला गन तोति
इपिं चुनावे दनेगु
निथाय निथासं बुर्तला
धौधलि याना सां त्याकीगु

लिपाया चुनावे जनतां इमित
पत्या मयाई धकाः ग्याना
थःगु क्षेत्रे चाट्यु वल आ
चोका नायो ते ल्हा जोना
पुलांगु संविधानया फोटोकपि जोना
क्यों वल जनता यात
न्हूगु संविधान मस्यौदा धका
क्यों वल जनता धौं लायेत
धौं लायगु सिबे ला मेगु ज्या
इमिसं आतक छुँ हे याय मस
जनताया भलो जुइगु ज्याय
आ तक पला छपला न मत
बल्ल संविधान मस्यौदा जोना
जनतायात केने धका वल
भिंंगु जक इमिसं चोयागु
मभिंंगु जनताया कपाले लाकेत
जनता विरोध मयागु बुँदात
जिमिसं चोयागु धायत
जनतां विरोध याक फुक्क
जनमत हे ब्यूगु ला ख धायत
भी नेपामित नं धाथे हे ख
छयनय न्हेपु हे मदुपिं
गुधानी चाकु नया नं
चाकु सवा हे मथुपिं
न्ह्योने मखंतले इमिगु विरोध याई
खनकि तुति भोपुइ थें सनिपिं
थोहे भीगु कमजोर सिका इमिसं
देशे भाँड भैलो याना चोपिं
पहिचान सहितया सिमाङ्गन ला
याय हे म्वाकल
यम्ह यको हाला चों

वहे पुलांगु फोटोकपि पास जुल
मिथिला प्रदेश, नेवा राज्य धागु
म्यायका हे छोल
कोचिला, ताम्सालिङ्ग प्रदेश नं
चुनाव त्याकेत जक धाल
च्यागु प्रदेश याये धाल
सिमाङ्कन याय मफुसां
च्यागु टुक्रा देकीगु जुल
न्वारान याय मफुसां
इमि पेम्हेसं हुकुम सासन याना
देश चलय याना चोन
समाजवादीया खापा पुया
सामन्ति चरित्र केना चोन
भिन्त्यादै नीदै दत भीत
खोबि जा नका तगु
गुम्ह नेता गथे यात धकाला
भीसँ सीका तयागु हे दु
दको पार्टीया सरकार नं
भीसँ सोय धुन
सुनाजक बाँलागु ज्यायागु दु
भीसँ लेय धुन
आ संविधान याकनं चोय धका
प्रारम्भिक मस्यौदा केना जुल
गोन्हु बिका चोई छक स्वयका
आ छक मौका बिहे माल
द नं द दत संविधान चोय धका
जनता हेका नया चोंगु
समिति उपसमिति जक देका
थ मनुतेत कमाय याका चोंगु
आ जनतां न्हेल चायकु थें चोना
इमि सातु वन

आला जनतां वाकि तैमखुत धका
संविधान मस्यौदा हयाकेन
याकनं संविधान चोया केने मागु
इमिसं विचार यात
ऐजुया पुलांगु संविधानया फोटोकपि याना
छगु निगु कातकुत याना मिले यात
आ नं याकनं संविधान मदयकल धाःसा
जनतां वाकि तैमखु
जनतां विद्रोह यात कि हानं
लिपा मंत्रि जुया ने दैमखु
आ ला बला नं संविधान
चोया मकेन धासा
इमित नं जुजु थें हे पितना छोयगु
भीसँ ज्ञान हे पाय मासां

ज्वज्वलपा वाःपतिइ छिगू
चिनाखँ/बाखँ/हाइकू व मेमेगु च्वसू
पिथनेगु जूसा जिमित स्वापू तयादिसँ



ज्वज्वलपा


ज्याकूः

निखासी त्वाः किपू नपा-३

फोन ल्याः ४३३३००७, ९८४१७६८१४३

ईमेल : jwojalapa@live.com

द नेवार्स सफुया उलेज्या



प्रा.डा. गोविन्द सिंह नेपाली नेवा: म्हासिका विद्गु कथं चव्यादीगु सफू “द नेवार्स” छगू ज्याभवःया दथुई पाँगाया पाँगा पार्टी भेन्यूलय् चिखिफ्यने ज्या जुल ।

म्हिंगः सनिवा: पाँगाया जेष्ठ नागरिकपि गोविन्द महर्जन, नारायण दास महर्जन, इन्द्रमान महर्जन व राम गोपाल श्रेष्ठ मंका: चिखिफ्यने यानादिल ।

रामकृष्ण दुवाल न्त्याकादीगु उगु ज्याभवलय् सफू पिकाकः मण्डला बुक प्वाइन्टया

माधवलाल महर्जन लसकस यानादीगु खः । लसकुस न्वचू विद्गु भवलय् वय्कलं द नेवार्स नंगु थुगु सफूतिं वय्कःया मन सालाकाल । प्रा.डा. गोविन्द सिंह नेपाली बनारस चवनादीम्ह वय्कःयात नापलाना थ्व सफू भीगु नितिं तसकं उपयोगी तायेका: थःगु प्रकाशन पियनेगु यानागु खँ कना:दिल ।

अथे हे उगु सफूया बारे पृथ्वी नारायण क्याम्पस पोखराया समाजशास्त्र तथा मानवशास्त्र विभागया प्रा.डा. रामचन्द्र बर

ाल, त्रिभुवन विश्वविद्यालय समाजशास्त्र तथा मानवशास्त्र विभागया केन्द्रिय प्रमुख प्रा.डा. ओम गुरुंग, त्रि.वि. मानविकी तथा समाजशास्त्र सङ्कायया डीन प्रा.डा. चिन्तामणि पोखरेल वमानव शास्त्रया प्रा. डा. राम क्षेत्रीपिन्स सफू व गोविन्द सिंह नेपालीया बारे खँ कना: दीगु खः ।

वय्कःपिनि धापू कथं गोविन्द सिंह नेपाली सन् १९६५ सं दकले न्हापां द नेवार्स पिदनादीगु खः । नेपालय् समाजशास्त्र तथा

मानवशास्त्रया ख्यलय् न्हापां पिदगु सफू हे थ्व खः । थ्व सफूलिं प्रा.डा. गोविन्द सिंह नेपाली तसकं मेहेनत याना उगु हैया नेवा:तयगु जाती, संस्कार, भेषभुषा, लजगाया बारे गाक्क अनुसन्धान याना: चव्यातःगु न्हापांगु कृति धयादिल ।

प्रकाशक माधवलाल महर्जनया धापू कथं प्रा.डा. गोविन्द सिंह नेपाली समाज शास्त्रय् पी. एच. डी. यायेगु भवलय् बनारस विश्वविद्यालयनं नेपाल भाल । स्विनगःया नेवा:तयगु ख्वातुक्क बस्ति दुगु किपू लागा ल्ययादिल । वय्कः पाँगाय् राम गोपाल श्रेष्ठया छँ चवना: गाक्क अनुसन्धान याना: नेवा:तयगु बारे चव्यादीगु न्हापांगु सफू हे थुगु खः ।

न्यय्दँ खुइदँ न्त्यः भीथाय्या नेवातय् गु लजगा, गुथि, शीप, अले रहनसहनया बारे थ्व सफूति बांलाक दुवाला क्यनातःगु दु । थौंकन्हे व मध्ये गुलि न्हाः वनेधुकल जुइ । उकिं न्हूगु पिढीयात थःगु म्हासिका बारे सय्केगु सिइकेगु निति थ्व सफू कोशेहुंगा सावित जुइगु खँ कना:दिल ।

दु:छि वंगु सफूया न्हयसः ७०० तका: ब्यूगु खः ।

तपाईको टोलमा भएका घटना कीर्तिपुरको समाचार बनाउने हो

भने तपाई एक कल

फोन गर्नुस्

हामी तपाईको टोलको समाचार

कीर्तिपुरको समाचार

बनाईदिनेछौं

कीर्तिपुरको चित्रण



कार्यालय: निखासी टोल:

कीर्तिपुर नपा-३

फोन नं.: ४३३३००७,

९८४१४०१०७७

भुखाय् पिडित पिनिगु व्यवस्थापनया बारे नेकपा-माओवादीया सहलह

ज्वजलपा सम्वाददाता/

नेकपा-माओवादी किपू नगर कमिटीपाखें वंगु भदौ १४ गते सोमवार किपूया कृष्ण क्याटरि गया हलय् “भूकम्प पिडितहरुको व्यवस्थापनमा राज्य र नागरिक समाजको दायित्व” बारे सहलह मुँज्या जुल ।

नेकपा-माओवादीया केन्द्रिय सदस्य देवेन्द्र श्रेष्ठया मू पाहाँसुइ किपू नगर इन्चार्ज विरातया नायोसुइ न्त्या:गु उगु ज्याभवलय् केदार थापा लसकुस न्वचु वियादीगु खः ।

पार्टीया किपू नगर सचिव र मेश कुमार महर्जन अवधारणा पत्र न्त्यव्वयादीगु खः । अवधारणा पत्रय् धयातःगु दु – वंगु वैशाख १२ गतेया विनाशकारी भुखाचं याना: नेपा:मित तःधंगु दु:ख्य लानाच्वंगु दु । जनताया

दु:खय् तिव:विद्गु पल्सा थ्वहे इलय् देय्या मूपाटीया प्यम्ह नेतातसें थःगु याकुप्वालं छगू थान संविधान विदित कुतः यानाच्वन । थःपिनिनित ज्याछिनिगु कथं प्रदेशया सिमांकन यात । गुकिं याना: टिकापुरय् अकल्पनीय घटना जुल ।

थ्वहे भवलय् वय्कलं तःभुखाचं किपुली जूगु नोक्सानीया विवरण न बियादिल । गुरुगु थये दु किपुली मुक्कं ४३ म्ह मनु सिइगु दु, ३७ म्ह घाईते जूगु, अजतक नं ७ म्ह वासः याका

चवनतिनि १,३५१३ खा छैय् पूर्णरूपं दुंगु, ४१५७ खा छै आंशिक रूपं क्षतिग्रस्त जुगु खँ कनादिल ।

थुकिं याना किपू नगर पालिकाया ८५०० परिवार प्रत्यक्ष वा अप्रत्यक्ष रूपं प्रभावित जूगु दु ।

भुखाचं पिडितपिन्त ग्वाहालि यायेत राष्ट्रिय अन्तर्राष्ट्रिय यक्व संघ सस्थातसें ग्वाहालि या:गु दु । किपू नगरपालिकां धा:सा २७३४ छँजःयात जक म्हाति १५६ दौं ब्यूगु दु । मेगु गुबले गथे याना: ग्वाहालि विइ धैगु छुं नीति नियम दयेकूगु मदुनि ।

भुखाचं पिडितपिन्त ग्वाहालि यायेगु नितिं अन्तर्राष्ट्रिय ख्यलं यक्व ग्वाहालि वयाच्वंगु दु अयसां सरकारं मा:गु व्यवस्था यायेगु कुतः मया:से संविधान पित विद्गु नौटंकी यानाच्वंगु द्वपं बियादिल ।

राज्य व सम्बन्धित निकायतसें भुखाचं दुंगु छँत दु उगु थासय् उच्च प्राथमिकत बिया स्थानीय समाजसेवी सामाजिक संस्थात, व मेपिं दातु निकायतलिसे समन्वय याना वैज्ञानिक नक्सांकन याना पुन:निर्माणया निति सरकार



मा:गु योजनत हया: गुलि फु उलि याकनं छँ दयेकेगु ज्या पूर्वके मा:गु दु ।

उगु अवधारणापत्रया बारे नेकपा एमालेया रमेश महर्जन, नेमकिपाया हरिकुमार महर्जन, नेपा: पार्टीया कृष्णहरि महर्जन,संघीय समाजवादी फोरम नेपालया नजरराम महर्जन, प्रा.डा. शिवशरण महर्जन, प्रा.डा. चन्द्रमान बज्राचार्य, कीर्तिपुर भुईचालो राहत कोषया

ज्ञानुराजा महर्जन, वातावरण संरक्षण समाजया सरब कुमार महर्जनपिन्सं थःथःगु धारणा तयादीगु खः ।

किपू नगरपालिकाया प्रमुख नूरहरि खतिवडां भुखाचं जूगु हानी नोक्सानीया बारे किपुली न्हापांखुसी सहलह मुँज्याया:गुलिं नेकपा- माओवादीयात सुभाय देछासैं नगरपालिकाया क्षमतां भ्यायजूथे सर्वदलिय राजनैतिक संयन्त्र नाप सहलह याना

वनेगु,पुलांगु बस्ती छेली, मातं चोत व बैगः याना ३५फुट तकया छँ दंके विद्गु खँ कनादिल ।

मूपाहाँ देवेन्द्र श्रेष्ठ भुखाचं थुनब्यूगु भौतिक संरचनात पुनः निर्मा यायेवलय् पुलांगु हे शैलीं न्हूगु प्रविधि छयला दयेकेमा:गु खँ कनादिल ।

डि.वि. मगरं न्त्याकादीगु उगु ज्याभवलय् नगर इन्चार्ज बिरातं कार्यपत्रया औचित्य बारे बांलाक कुलादीगु खः ।